

# Vigeli Loretz-Stiefenhofer, Segnas



V.D. Eis ei buc aschia che nus emblidein beinsavens il concarstgaun entochen ch'el viva? – Nus vesein co el braha e siua, co el conta, selegra ed ura, mo nus fagein meins stem co el endira e pitescha en siu intern. Nus s'empitschein pia dad el plitost mo cura ch'ei va bein cun el. Pigl auter essan nus pil pli occupai permanentamein cun nossa truscha e nos fastedis. Nossa obligaziun e nies duer fuss ei denton da renconuscher sias ovras e ses survetschs entochen ch'el viva, da far curascha ad el cura ch'el ei deprimius, da respectar sia laver e da prender peda per in bien plaid da laud e renconuschienscha. Ils morts san gie buca pli selegrar da nossa bunaveglia e da nies laud. Tuttina meretan els ch'ins serecordi da lur stenta e lur carezia.

## La davosa gada

che jeu hai viu il Vigeli – igl um d'uaul capavel e pissiunau ella selva stgirverda en Cavorgia – ha el detg a mi: «Igl ei sera. Per mei ei la veta vargada cun siu sulegl e sia umbriva, cun sia legria e siu cordoli, mo jeu sun satisfatgs. Jeu sun sespruaus da batter in bien cumbat. Buca tut ei gartegiau, per da bia buca tut. Jeu sparel denton che silmeins mingaton seigi ina brustga da mia stenta tuttina setschentada sin la stadera da vart dretga.»

Jeu hai rispondiu: «Il Segner decida cura ch'igl ei sera. Scadin cass tarlischa tia davosa ura en la splendor d'in sulegl vespertin che fa curascha e speranza per ina veta senza quitaus e tgisás. Tia veta ei stada tgeblada da panzieri, stenta e carezia per Tia famiglia e pil concarstgaun. Enzatgei pli bi dat ei insumma buc. Il Segner ei buns e Tes merets vengnau ad alzar Tei cun alas dad aungheis avon il tron divin.»

Ina larma sco ord argien ei lu cur-

dada da sia vesta rubigliada e sesfusnada sin in puschel mescal. A mi ha ella pariu sc'in davos salid a siu car uaul ch'el ha carezau cun tuts ses fils dalla veta, e sua ch'el ha era passentau miez da quella. Gie, el spessom digl uaul ha el segiramein era confidau beinsavens sia legria e siu cordoli.

## Vitg natal

Ils 2 da decembre 1912 ha il Segner regalau als geniturs Michel e Maria Loretz-Deflorin il pop Vigeli Giusep. In'unda da legria ha tschaffau ils buns conjugals, pertgei obtener sco emprem affon in salvaschallata era honor e speranza enina. Silsuenter ein aunc 11 frars ed ina sora arrivai el pign, mo idilic mund da Selva. Il Vigeli ei segidaus cun ses geniturs e ses fargliuns a moda exemplarica ed ha aschia dau in bien exemplar ad els. La famiglia ei setenida ensemensco cola ed ils frars Loretz han prestau laver da smarvegl. In fegl ha giu fundau ina firma da baghegiar nua ch'ils biars frars ein segidai cun laver stendida e capientcscha extraordinaria. Aschia ei quella carschida ad in crescher e daventada ina interpresa fluuenta e moderna. Oz vegn ella emplada dils vognentsuenter Loretz SA.

## Sco giuven mat

Il Vigeli ha surviu sco giuven mat el menaschi puril da scolast Felix Bigiel a Mumpé-Tujetsch – e quei duront quasi 10 onns. La megliera recumandaziun per sia capacitat e conscienciusad. Silsuenter eis el s'engaschaus sco fumegli tier la famiglia Sialm-de Travers a Segnas. Leu, gest sper lezza casa, sesanfla la casa dalla famiglia Stiefenhofer. Beingleiti engarta el leu en quella cuminanza ina stupenta giuvna, sia Paulina. La carezia semadira da mintga vart e las nozzas han liug ils 20 d'avrel 1942. Sia consorta regala ad el quater feglis ed ina feglia, sia luschezia e sia speranza. La mumma-segida-dapertut e la famiglia ei ventireivla.

## Igl accordant

Il Vigeli era in um intelligent ed interessau. Aschia ha el capiu da seprofitar d'emprender novas caussas sil sectur d'accords e da vendita da lenna. Manejond che sia savida tonschi ussa, supren el igl onn 1945 in accord da lenna sur sesez. Quel gartegia stupent e dat curascha da continuar. Dapi gliez onn ha el mai pli bandunau siu car uaul entochen paucs meins avon sia mort, ed el ha giu success, grond success, mo buca senza sez luvrar sc'in liun e cun inschign ed intelligenza.

Buca avunda, enteifer ils onns eis el –

sper surprendider d'accords da lenna – aunc seligiaus cun Toni Maissen-Riedi e formau ina fatschenta da baghegiar. Sia predilecziun ha el denton giu resalvau per ses accords ed il hanletg da lenna. El capeva en quels risguards d'apli che quei ch'ins manegiava e sminava – e biars ein stai leds da ses buns cusesgls.

## Lavur hanada

La lavur hanada e stentusa egl uaul ha era pretendiu da nies trapassau plirs accidents. Il pli grev ei succedius 1957 enten transportar lenna cun sua. El ei curdaus giud la sua en la profundidad e sedisgraziaus brutalmein. Las nauschas consequenzas da quella cupitgada han silsuenter mudergiau el sia entira veta. Denton, igl um diraglia sc'in granit e luvrus sc'ina furmicla ha darar puplau e selamentau, mobein luvrav vinavon sco sch'e fass capitau nuot.

## La mort muossa il det

Igl atun 1988 sforza ina maligna malsogna il Vigeli da serender en spital a Glion. L'operaziun gartegia, mo la malsogna fuga vinavon. El serestabillescha dëtg stupent e surpren puspei lavurs d'uaul. Leu ha el per in cuort temps saviu emblidar empau sia dolur. Igl atun 1989 svaneschan sias forzas ad in svanir ed ils 20 da schaner 1990 taglia la mort il fil dalla veta al bab aschi premurau ed al surprendider consciencius e respectau. Mirond sin sia bara, paran ses mauns spir rubaglias e sias levzas pallidas da dir a ses vognentsuenter: «Emblidei buca mia devisa: Ura e la vura e Dieus gida tei lura.»

## In bien carstgaun

In bien carstgaun ei buca pli, mo l'atmosfera caulda ch'el ha regalau a nus resta. Buca ch'el havess mai saviu stridarenzatgi, mo gest quei fatg documentscha, ch'el era singers ed aviarts, e ch'el tschercava buca laud e honor numeritada. Per ses numeris survetschs, per sia buontad ed attaschadada seigi engraziau dai coramonti.

La canzun da cumiau dils concantadurs dil chor-baselgia da Segnas per lur premurau e stimau commember ha tschaffau, commentau e fatg endamen la sperdita d'in fideivel amit. Cu la bandiera ei sesbassada en fossa sco davos salid d'engraziamenti e stema, lu ha il cor dils cumbrigai sentiu ina zaccudida dolorusa. A beinenqual ein las larmas seglidias da sesez.

Reconciliaus cun Diu, cul concarstgaun e cun sesez ha el – suenter in dolorus pitir final – victorisau e priu cumiau da quest mund per retscheiver la pagaglia celestials.